

LA QUOTIDIANA

FMR Fundaziun Medias Rumantschas, Via da Masans 2, 7000 Cuirà, 081 544 89 11, redacziun@fmr.ch



Xhosa, africaans ed ils idioms rumantschs
Il chor da giuvenils «incantanti» da Christian Klucker ha dà in concert multilingual ad Andeer. **Pagina 10**



La nova bandiera da Sursaiisa Mundaun
Dumengia han ils da Sursaiisa Mundaun fatg festa. Da cuminanza han els inaugurà lur simbol. **Pagina 4**

FMR FUNDAZIUN
 MEDIAS
 RUMANTSCHAS
südostschweiz



En il tschiel sur il Gelgia

Livio Keiser è sin questa fotografia 250 meters sur il Pass dal Gelgia, sin ina highline tendida sur 1411 meters a travers la Val d'Agnel. Là han Livio Keiser e ses collegas realisà dacurt cun questa highline in nov record svizzer. Per l'atlet èsi stà «in sentiment meditativ». (fmr/sab) **Pagina 9**

GRISCHUN

Communicaziun da crisa è ina vaira sfida

Dapi il mars 2020 saja sia vita professionala sa midada fitg, ha il pledader da communicaziun dal coronavirus grischun, *Daniel Camenisch* ditg a la FMR. «Cun la pandemia hai jau fatg enconuschientscha cun la communicaziun da crisa.» En servetsch per il stab directiv chantunal e per l'Uffizi da sanadad dal chantun Grischun, retschaiva il pledader da medias *Daniel Camenisch* fin 200 dumondas da medias per di. «Las medias doran las infurmaziuns fitg svelt. Il medem mument vulain nus porscher infurmaziuns d'auta qualitat.» *Daniel Camenisch* e creschi si en la fraziun da Maton da la nova vischnanca Muntogna da Schons. «Jau sun da Schons ed jau hai gugent mes vitg da Maton, nua che jau sun creschi si ed hai passentà mia giuventetgna. Là hai jau mia famiglia, mes amis e collegas. La savur dal vitg sin las vias da Maton, quai è patria per mai.» Il spezialist da communicaziun cun diplom federal ha 37 onns ed ha fundà l'onn 2019 ina interpresa da communicaziun cun il num «Vinavant». Il num vinavant haja da far cun sia lingua materna rumantscha e resplicia sia tenuta da guardar enavant, da lavurar a moda e maniera proactiva e d'accentuar las conclusiuns positivs. (fmr/mg) **Pagina 2**

SURSELVA

Novs giugadurs per Schluein Glion

La fin dall jamna passada ei la davosa runda ordinaria d'atun dil campiunadi da ballapei regiunal vegnida dada. Per Schluein Glion ha ei dau in'ulteriura terrada. Ils Sursilvans han stuiu suttacumber al capogruppa Mels. L'equipa dalla Foppa passenta la pausa d'unviern sil davos plaz dalla 2. ligia regiunala. Per la runda da primavera dat ei denton speranza. Sco quei ch'il cau dil sport dall'union, *David Caduff* di, han *Rafael Deplazes* e *Murino Cavigli* – omidus da Cuera 97 – decidu da vegnir tier Schluein Glion. Cun els duse e cun *Adrian Zimmermann* che retuorna suenter ina blessura, survegn Schluein Glion novas e bunas forzas ell'attaca. (fmr/hh) **Pagina 6**

ENGIADINA

S-chellöz pel passlung cuntinuescha

Daspö cha *Dario Bologna* ha success exista eir ina gruppa da Jauers e per part eir Engiadinais chi til sustegnan a l'ur da la loipa cun s-chellar las plumpas. Il prüim as nomnaiva la gruppa «Ils fans da Dario Bologna», uossa es quai la «Gruppa da zampuogns Val Müstair». Che fa quista gruppa davo la prosma stagiun d'inviern, cur cha *Dario Bologna* schmetta sia carriera da passlunghist? «No cuntinuain a sustgnair cul s-chellöz da nossas plumpas a l'equipa da passlung svizra, p.ex. a Tavo, Toblach o eir in Val di Fiemme», disch *Hans Conrad* chi maina la Gruppa da zampuogns. «be viadis uschè lungs sco il passà nu farana plü.» (fmr/fa) **Pagina 8**

SURSELVA

In cautren dat adia

Vitus Collenberg, sesents a Cumpadials ed oriunds da Morissen, ha fatg sonda vargada eir davos viadi sco acumpignader da trens. Dapi 1979 ei la reit dalla Viafier retica stada siu plaz da lavur. Tut quels 42 onns ha el tgrau il contact culla gliעד, quei ei stau siu mintgagi. In cautren stoppi haver bugen carstgauns, quei conferma il niev pensiunau. El conferma vinavon ch'el hagi adina giu da rispunder damondas pertucont il lungatg romantsch, la fascinaziun per siu lungatg-mumma exotice-rural hagi adina interessau la gliעד. El decuors da sia carriera professionala ha *Vitus Collenberg* giu da s'endisar biaras gadas vida midadas strategicas. Capiala e sdremas dat ei daditg buca pli. (fmr/abc) **Pagina 3**

«En sbagl, e te crodas»

Livio Keiser da Stans è ballantschà sur ina slackline lunghissima – per fortuna senza crudar – pagina 9



20045

Servetsch d'abunents e da distribuziun: tel. 0844 226 226
 mail: abo@somedia.ch



Livio Keiser direcziun nov record: El è egn digls treis atlets tgi è balantscha sur l'antiera highline segl Gelgia, saiza crudar.

Balantscher sur la Val d'Agnel

Nov record svizzer! Da curt è balantscha segl Pass digl Gelgia treis atlets sur la pi lunga highline tg'igl è do anfignen ossa an Svizra. La FMR è discurreta cun Livio Keiser, egn digls treis recordists, davart scheidas mentalas sen en'ottezza nunimaginabla.

SANDRA BALZER/FMR

Slackliners svizzers ed internaziunals èn avant curt s'inscuntros segl Pass digl Gelgia per tender e balantscher sur la pi lunga highline dalla Svizra ansomma. 1411 m lunga, 250 m ora e 2,5 cm largia: ena sfcida – er per en slackliner rutino. Radond 15 slackliners on lia demonstrat lur abilitads cun balantscher sur la highline ainten la Val d'Agnel.

Treis recordists

La pi lunga highline an Svizra veva anfignen ossa ena lunghezza dad 800 m. Chella era neda installada igl onn 2019 ainten l'arena tectonica Sardona survart Flem. Cun esser 600 m pi lunga è la highline segl Gelgia ena nova dimensiun. «Ena tala acziun pretendia sver concentrasiun e tensiun digl corp er ena bunga cundiziun mentala, e chegl saizna interrupziun. En sbagl e te crodas», declera Livio Keiser da Stans. El è egn da chels treis atlets tgi è sto bung da balantscher sur l'antiera highline segl Gelgia – sa tgapescha saiza crudar.

Ljell Grunberg digl cantung Waadt e Lucas Giovanni Moreira dalla Frantscha totgan mademaintig tigl recordists.

90 minutas concentrasiun

«Balantscher sur ena highline cun ena tala lunghezza è mentalmaintig ena gronda sfcida. L'ottezza è ena tgossa da rutina. La va cunzont all'antschatta già grondas difficultads da catter en ritmus. Cugl taimp ègl ia e pi spert tgi te catter igl ties 'flow' ègl en sentimaint fig meditatiu», rachinta Livio Keiser. El discorra da plascheir, livjamaint e spussada cura tg'el è siva radond en outra e mez fatg igl ampreng zap dalla highline puspe sen taragn stabel. Per impedeur blessuras mortales è igl atlet siero trasor cun ena tschinta da sclivigliar.

La Val d'Agnel – en li ideal

Ena highline da 1411 m n'è betg ena suletta soua, mabagn singuls trags da mingamai 100 m tgi vignan collias. Sot la reschia da Ramun Tomaschett da Coira, vicepresidente da Swiss Highline, on 11 atlets durant en de installo la

highline ainten la Val d'Agnel. Las singulas parts èn igl ampreng neidas rasadas giumez ed alla fegn finala collicidas l'egna cun l'otra – chegl tor a mang. «La Val d'Agnel è en li ideal per far ena tala installaziun. Igl dat ni gòt ni creplas tgi impedeschan l'installaziun», declera Livio Keiser. Las dus fecons èn neidas fixadas cun ageid d'ena girella (Flaschenzug) e differents strubas agl crepel. «Chegl è ena tgossa fig sieira, sper la highline dattigl anc ena sagonda soua per la siertad – visibla è lezza scu anzas sotvart la highline», declera Livio Keiser. Scu indicaziun pigl traffic aviatic è neda installada ena sota supplementara tgi signalisescha cun lampas d'infraotschen e satgs da vent la highline.

Nigna tgossa d'egoissem

«En tal record è betg ena tgossa d'egoissem. Ins sustigna l'egn l'oter e sa legra per mintgign tgi cuntanscha la fegn», accentuescha Livio Keiser. Igl record mundial è actualmaintg tar 2130 m lunghezza ed è nia contanschia chesta stad an Scandinavia.



Livio Keiser balantscha adegna puspe sur differentas highlines an Svizra scu per exampl davant igl Matterhorn a Zermatt.

Igl slackliner

Livio Keiser (23) da Stans balantscha mintga minuta libra sen slacklines. Sper la highline segl Gelgia è el gio balantscha sur differentas highlines an Svizra. Sen social media mossa el malets sen la soua davant igl Matterhorn u en tandem sen la highline tigl Fronalpstock.

Slackline e highline

Balantscher sur la slackline è en sport cumparabel cun acrobatica sen la soua. L'atleta u igl atlet balantscha sen en liom u bindel tgi vign tandia tranter dus puncts fixes. Igl dat differentas disciplinas da slackline scu per exampl la highline tgi vign tandia versants meters pi or tgi la slackline. Igl dat schizont atlets ed atlets tgi fon trics sen la highline perchegl tg'els èn siero cun ena tschinta da sclivigliar tgi è farmada agl liom.

ALBULA/ALVRA

Approvo nova concessiun e credit supplementar per il «Rutsch»

Siva la vischnanca da Surses è er igl suveran d'Alvra decidia da reglar da nov las concessiuns an connex cun l'ovra electrica a Casti. Igl suveran è approvo la cunvegna davart la scadenza da concessiun. An chel connex duess la vischnanca neir indemnisada cun passa 4 milliuns francs.

Pinavant on igls d'Alvra approvo igl credit supplementar da 3,25 milliuns francs per la galareia da sondagi digl «Rutsch» da Brinzauls. Oriund eran planisos 10,55 milliuns francs per igl project. Ma igl project igl pi economic tg'era s'annunzia sen igl project scetg or è sto tar 13,8 milliuns francs. Perchegl è igl suveran già da votar davart en credit supplementar.

La suprastanza è relascha igl sboz dalla lescha davart igl adiever dallas veias d'alp, fons, prada e gòt aint igl cumegn d'Alvra/Alvra. Las votantas ed igls votants èn anvidos da piglier posiziun concernent igl sboz da lescha an furma d'ena procedura da consultaziun. Las propostas pon neir inoltradas anfignen la fegn november 2021 tgi cumegn d'Alvra/Alvra. (cdm/trt/fmr)

ALVRA/SURSES



Andrea Koch (dretg) vign introduida da Myrta Hürlimann (sanester) ainten la sia nova funcziun scu consigliera da genitours ainten la regiun Alvra/Surses. Lai ed a parteir digl 2022 er da Ferrara. (fmr/mag)

Nova cunsegliazioni da genitours

A parteir digls 1. da fanadour 2020 è la cunsegliazioni da genitours dalla regiun Grischun Central agiuntada alla fundaziun spital Tusang. Siva 36 onns sa retretscha Myrta Hürlimann, consigliera dalla regiun Alvra/Surses e Lai, chegl communitescha igl spital Tusang ainten ena comunicaziun allas medias. Sia successora Andrea Koch è da nov responsabla per chella regiun e cumpletescha igl team cun Tina Arduser e Judith Hürlbi. La cunsegliazioni da genitours sustigna genitours concernent dumondas digl svilupp, tgira, dar terra, nutrimaint, sanadad ed educaziun. (cdm/fmr)

TGAZAS



Foto da classa digl ampreng curs da «pedagogas earvistas» en la scola tudestga Gundermann porcha an la scola St. Catharina a Tgazes. La savunda da dretg an l'amprema retschas e la manadra digl curs Tina Günther. (fmr/mag)

Las ampremas pedagogas earvistas en diplomadas

Da dumeingia passada annà dat igl 12 pedagogas earvistas an Svizra. La scola tudestga Gundermann à rapartgieu igls diploms a las sias ampremas absolventas c'àn frequento la scolaziun a Tgazes. «Ellas àn ampieu la savida fundada davart las plantas a lur substanzas activas», gi Robert Steiger, igl directur da quella scola, «ellas dasgnan ussa far guidadas an la natira a luvratoris da produtgear products.» (fmr/ftr)

